

Higher Gaelic (Learners) – Talking – Interview

Interviewing for a part-time job in a clothes shop.

Carson a tha thu ag iarraidh an obair seo fhaighinn?

Chòrdadh e rium a bhith ag obair anns a' bhùth seo. Is toigh leam a bhith ag obair le daoine, gan cuideachadh agus rudan mar sin. Cuideachd, tha ùidh agam ann am fasan agus is toigh leam a' bhùth seo gu mòr.

Dè an seòrsa rudan a bha thu a' dèanamh anns an obair mu dheireadh agad?

Uill, bha mi ag obair ann am bùth bìdh. Bha mi a' lìonadh nan sgeilpichean agus a' cur a-steach òrduighean airson biadh air an robh feum againn. Bha mi cuideachd ag obair aig an *till*, a' gabhail airgid agus cairtean creideis bho dhaoine.

Dè dh'ionnsaich thu anns an obair sin?

Dh'ionnsaich mi gur e obair glè chruaidh a tha ann an obair bùtha. Bidh daoine tric a' faighneachd cheistean dhut mu far a bheil rudan. Dh'ionnsaich mi cuideachd mu dheidhinn a bhith a' cleachdadh an inneil airson cairtean creideis. Tha seo cudromach a chionn 's gu bheil a' mhòr-chuid de dhaoine a-nis a' pàigheadh le cairt agus chan ann le airgead.

Carson a bu chòir dhut an obair seo fhaighinn?

Tha eòlas agam mar-thà air a bhith ag obair ann am bùth. Tha mi uabhasach math air dèiligeadh ri daoine. Tha mi onarach agus tha mi eòlach air dèiligeadh ri airgead. Tha mi èasgaidh, bidh mi a' tighinn gu m' obair deich mionaidean ron àm tòiseachaidh. Tha mi measail air aodach fasanta agus bhithinn comasach air dreach snog a chur air na *mannequins* san uinneig

Bitesize

agaibh.

Am biodh e comasach dhut obrachadh air an deireadh sheachdain?

Bhitheadh. Chan eil obair eile agam agus mar sin, tha mi saor fad na h-ùine.
Bidh mi a' cluich ball-coise gach oidhche Luain ach chan eil sin gu naoi
uairean agus bidh a' bhùth dùinte aig an àm sin.

**Glè mhath, mòran taing. Cuiridh mi fòn thugad a dh'innse an d' fhuair
thu an obair.**

Mòran taing.